



# KUKUETSHIMAKANUAT INNUAT

Atusseun Takuaimatsheun eshi-uauetashuapatakanit shuniau (LAF)  
anite Innu-takuaikanit Uashat mak Mani-utenam

## Tshekuan ne LAF ?

**L** = Loi (takuaimatsheun) **A** = Administration (eshi-uauetashuapatet) **F** = Financière = (shuniat)

Eukuana mamu ka takuaki tshe ishi-pimutenanut mak eshi-nashakanit tshe ishi-uauetashuapatakanit ne e tshitapatakanit tshe ishi-takuaimatshenanut mak shuniat. Eukuan tshetshipannanut tshe ishi-pimutenanut mitshetuait katikatip tshe ishi-nashakanit ne kanatu-tshissenitakanit ume nishtupipuna ishpish.

Ne LAF eshi-uitakanit eukuan atusseukan tshe uitshiuetshe ishi-pimutenanut utinakui aimunnu anitshenat katakuaitshet mak tshe ishi-uauetashuapatakanit shuniau innit.

Uetinamaku ne LAF eshi-uitakanit, ITUM tshika minu-atusseuatshe, tshe ut minuenimunannut innit, tshe minupanit pakassiun mak anite katananut innit mak etatu tshe minupanitunanut innit.

## Tshekuan ma ne LAF ?

ITUM pakushenitamu tshetshi utinak nenu LAF tshetshi ut innuat minu-nashahk nenu Conseil de la gestion financière (CGF) «Kausei tshe ut uauetashuapatakanit shuniau) anite uetshipanit Ushkat ute ka taht Innuat mak tshetshi ut ute natshe kanieupanit shuniau. lapit tshika minupaniueu nanitam etatu tshetshi minutakanit atusseun tshe ishi-uauetashuapatakanit mak shuniau e uitakanit.



## Tshekuan tshe mishkutshipanit ne LAF anite ITUM ?

Ne LAF tshika ishi-uitshiuetshe tshetshi minu-nakatuenitakanit tshe ishi-takuaimatakanit shuniau mak tshetshi ishpitenitakannit ue Kausei ka ishi-utinak aimunnu.

lapit etatu tshika tshikanakuan mak tshetshi eka anite muku katakuaitshet pimipaniti nenu aimuna eshi-takuaki, tshetshi eka uiesh tapatiki, tshetshi ut innuat minushkakuht.

## Tshekuan ne uet ishi-pimutenanut tshetshi natu-tshissenitakanit innit

ITUM utinamu aimunnu tiapuetak tshetshi takuannit nenu LAF uenapissish anite tshishe-utshimau-aitunit tshe ishpish pimipanitakanit ne kanatu-tshissenitakanit innit. Ne tshe ishi-pimutenanut ui minakanuat innuat tshetshi aimiht, tshetshi natu-tshissenitahk mak tshetshi minu-nishtutatushuht tshekuannu uiauitakannit, nenu ITUM ua natu-tshissenimat innua aitenitaminiti, mak tshetshi ishi-pimipanitat shutshenitamunnu tshetshi takuannit, uesh ne atusseun apu tshika ut ui pushipanit ne tshishe-utshimau-aitun e uitakanit mak tshetshi eka uiesh tapitik, uesh kassinu auen ui minakanu tshetshi patshitinak utaimun.



## Tshika patshitinakanu aimun 27 tshishe-pishimu mak 1 epishiminishkueu anite atusseu-katshitapatakanit.

Tshipa tshi ute patshitinenau tshitaimunnuau :

- E shakassinitaieku ume mashinaikanuian anite ITUM umashinaikanuianimit anite atusseu-katshitapatakanit
- Anite tshimashinatainau «discussion» eshinikatet anite atusseu-katshitapatakanit miam anite mekuat kanatu-tshissenitakanit innit pimipanitakanit.

Tshika natashtakanu mashinaikan, ashit nenu aimuna ka katshinakaniti, anite Kausei, tshe at pimipanitakanit anite ITUM umashinaikanuianimit anite atusseu-katshitapatakanit, ashit nenu ne Kausei aitenitak mak kueshte eshi-patshitinak utaimun.

Tshika uapatenau aimun eshi-patshitinakanit anite ne eshinikatet LAF anite ITUM umashinaikanuianimit anite atusseu-katshitapatakanit, [www.itum.qc.ca](http://www.itum.qc.ca) anite ne eshinikatet «consultations publiques».

## Tshitaimunnuau tshipa tshi uitshiuetshe anite...

### ESHI-UAUETASHUAPATET SHUNIAU ANITE ITUM

- Tshe uauetashtakanit shuniau mak tshe ishi-pimipanit shuniau eshakumipipuna
- Eshi-pitutepanit mak eshi-unuipanit shuniau
- Eshi-aiuiashunanut shuniau
- Tshe ishi-uauetashuapatet tsheku natu ishpanit
- Tshetshi patshitinkanit aimun shuniau e uitakanit

### ITUM UTAKUAIMATSHEUN

- Tshetshi taht kamamunakaniht tshe takuaimatahk shunianu mak tshetshi nanitam nakatuenitakanit
- Takuaitshuena tshe nashahk katakuaitshet mak kupanieshat
- Eshi-ashuapatakanit ne e uitakanit tshe ishi-pimutenanut
- ITUM utaimun mak eshinakuannit utatusseun, tshe ishi-pimutenanut mak tshe aitananut, mak tshe tutakaniti mashinaikana ne e uitakanit kanieun mak eshi-meshtinakanit shuniau

### KUTAKA TSHEKUANA

- Tshetshi mamishatshemunanut eka miam eitinanut
- Eshi-kanuenitashut

